


# LU CÒNTU DI L'ABBA BAÌGNA




**Progettu "Li Linghi di Tarranóa - Sas Limbas de Terranoa" - Annualitài 2023 – Finanziatu da la Regioni Saldigna cu' la Legghji 482 di lu 99 e cu' la Legghji Regionali 22 di lu 2018 e sigutu da l'Istitutu Chircas**



**Una dì, in unu stazzarédthu  
in campagna, v'aia un'abba  
gròga e niédtha chi si  
chjamàa Baìgna**



**Baìgna éra un'abba abbèddhu  
curiósà e bulàa tutta la dì da  
una perra a l'alta pa'  
cunniscì lu mundu**



**Li piaciàni li fióri illu campu  
'èldi, li pastéri illi casi, lu  
nuscu di l'alba, lu caldu di lu  
sóli, li culóri di lu céli**



**Una dì, in fra chi éra  
sbulazzèndi inn una tanca in  
cilca di nuitài, vidìsi una  
parabàttula...**



# Baìgna filmési spantàta da li culóri maraìgliósi di la parabàttula



**Tandu andési lèstra und'e  
l'Abba Regina Manna, chi  
facia li maì e li dummandési:  
Ti précu Abba Regina Manna  
fammi divintà una  
parabàttula**




**L'Abba Regina Manna  
l'accuntintési...  
e ghjó chi Baìgna sbulazzàa  
tutta cuntènta illi campi  
fiurìti**







**Dapói di calche óra imbicchési  
una bruca e pinsési: comu sarìa  
statu bèddhu caminà in mèzu a  
l'alba e intindé la 'jaccia cun  
tutti chissi francaréddhi**



# Turrési a fà lu còntu a l'Abba Regina Manna chi la turrési a accuntintà



**Un pòcu di tèmpu infattu,  
Baìgna, divintata bruca, vidìsi  
una pupuséddha biddhìtta  
biddhìtta**




**Baìgna pinsési:  
Oi chi bèddha!**

**Tutta pintarinata di niéddhu  
innantu a chissu 'istìri rùiu**



**L'Abba Regina Manna  
l'accuntintési un'alta 'òlta  
ancóra e la fési divintà una  
pupuséddha**



**Arriàta la séra parò, si spicchjési  
ill'èa di lu riu e no si cunniscia  
piùni.**



**L'Abba Regina Manna lèstra  
lèstra, fési turrà a Baìgna torra  
abba còmu éra nata fèndili  
cumprindì chi:**



**Dugnùnu è bèddhu  
pa' lu ch'è  
chèna disicià  
di stà còm'e l'alti...**

